

Ա Ր Ձ Ա Ն Ա Գ Ր ՈՒ Թ Յ ՈՒՆ

ք.Երևան, Հովսեփյան փող.24/3

06.10.2015թ.

Համաձայն «Ակվատուս» ՍՊԸ-ի 02.09.2015թ-ի, սնանկության գործով կառավարիչ՝ Անդրանիկ Ելինյանին կարգապահական պատասխանատվության ենթարկելու մասին, բողոքի հիմքով ս/թ-ի Հոկտեմբերի 06-ին հրավիրված Կարգապահական Հանձնաժողովի նիստ.

ՄԱՍՆԱԿՅԵՑԻՆ՝

Հանձնաժողովի Նախագահ՝ Հովհաննես Եղյանը
Հանձնաժողովի անդամ՝ Հենրիկ Մարտիկյանը.
Հանձնաժողովի անդամ՝ Աշոտ Խաչատրյանը.
Հանձնաժողովի անդամ՝ Տիգրան Հարությունյանը

Սնանկության գործերով կառավարիչ՝ Անդրանիկ Ելինյանը.
Բողոքաբեր՝ «Ակվատուս» ՍՊԸ լիազորված ներկայացուցիչ՝ փաստաբան Միքայել Յուրիի Ավետիսյանը

ՕՐԱԿԱՐԳՈՒՄ

«Ակվատուս» ՍՊԸ-ի 02.09.2015թ-ի, «ՆՕԵՄ» ՍՊԸ, սնանկության գործով կառավարիչ՝ Անդրանիկ Ելինյանին կարգապահական պատասխանատվության ենթարկելու հարցը:

ԼՍԵՑԻՆ – Նիստը բացեց Հանձնաժողովի նախագահ՝ Հովհաննես Եղյանը և ներկայացրեց 18.09.2015թ-ին «ՍԳԿԿ» ԻԿԿ մուտքագրված դիմումը և առաջարկեց սնանկության գործով կառավարիչ՝ Անդրանիկ Ելինյանի նկատմամբ հարուցել կարգապահական վարույթ:

Առաջարկը դրվեց քվեարկության:

ՔՎԱՐԿՈՒԹՅՈՒՆ՝

Կադմ – 4

Դեմ – 0

Ձեռնպահ - 0

ՈՐՈՇԵՑԻՆ – «ՆՕԵՄ» ՍՊԸ սնանկության գործով կառավարիչ՝ Անդրանիկ Ելինյանի նկատմամբ «Ակվատուս» ՍՊԸ-ի, 02.09.2015թ-ի բողոքի հիմքով, հարուցել կարգապահական վարույթ:

ԼՍԵՑԻՆ – Բողոքաբեր՝ «Ակվատուս» ՍՊԸ լիազորված ներկայացուցիչ՝ փաստաբան Միքայել Յուրիի Ավետիսյանին, որը ներկայացնելով բողոքը հայտնեց, որ «Ակվատուս» ՍՊԸ-ի և սնանկ ճանաչված «ՆՕԵՄ» ՍՊԸ-ի միջև 27.04.2009թ-ին կնքվել է առուվաճառքի նախնական պայմանագիր, որից հետո կնքվել է՝ ք.Երևան, Արշակունյաց պող. 125/5 հասցեյի անշարժ գույքի 1/2 -րդ մասի առուվաճառքի պայմանագիր, որը ստացել է նոտարական վավերացում և պետական գրանցում: Պայմանագրով սահմանված անշարժ գույքի ամբողջ արժեքը՝ 14000000 ՀՀ դրամ փոխանցման եղանակով վճարվել է:

31.01.2014թ-ին «ՆՕԵՄ» ՍՊԸ –ն ճանաչվել է սնանկ, որի սնանկության գործով կառավարիչ նշանակված Անդրանիկ Ելինյանը, դիմելով «Ակվատուս» ՍՊԸ-ին պահանջել է վերնշված գործարքի վերաբերյալ տեղեկատվություն: «Ակվատուս» ՍՊԸ-ի կողմից, ինչպես բանավոր, այնպես էլ՝ 29.08.2014թ-ին, գրավոր սնանկության գործով կառավարչին է ներկայացրել, տրամադրել գործարքի իրավական հիմքերը և վճարման փաստաթղթերի լուսապատճենները:

Սնանկության գործով կառավարիչ՝ Անդրանիկ Ելինյանը, այնուամենայնիվ, վերքոգրյալ փաստաթղթերի և «Սնանկության մասին» ՀՀ օրենքի 54-րդ հոդվածի հիմքով, հայցով դիմել է Երևան քաղաքի Կենտրոն և Նորք Մարաշ վարչական շրջանների ընդհանուր իրավասության դատարան առոչինչ գործարքի անվավերության հետևանքներ կիրառելու պահանջով, միաժամանակ ներկայացնելով միջնորդություն հայցի ապահովման միջոցներ կիրառելու մասին, խնդրելով դատարանին արգելել գույքի տնօրինումը և վարձակալության տրամադրումը, որը դատարանը բավարարել է:

Դատարանը քննել է հայցադիմումը և 02.07.2015թ-ին կայացրած ԵԿԴ 4414/02/2014 վճռով մերժել է «ՆՕԵՄ» ՍՊԸ-ի սնանկության գործով կառավարիչ՝ Անդրանիկ Ելինյանի հայցը:

Վճիռը չի բողոքարկվել և մտել է օրինական ուժի մեջ:

«Այսպիսով Անդրանիկ Ելինյանը քաջատեղյակ լինելով գործարքի փաստական և իրավական նյութերին, կոպտորեն խախտելով «Սնանկության մասին» ՀՀ օրենքի 54-րդ հոդվածի պահանջները, հայցապահանջի ներկայացման ժամկետների խախտմամբ ներկայացրել է վերոնշյալ իրավանորմի շրջանակներից դուրս հայցապահանջ, որով մեր ընկերությանը պատճառել է նյութական վնաս/փաստաբանական ծառայությունների վճար, անշարժ գույքի վարձակալության տրամադրման արգելանք, ինչպես նաև վնասել է «Ակվատուս» ՍՊԸ-ի բարի համբավը և գործնական հեղինակությունը»:

Բողոքաբերի ներկայացուցիչը նշեց, որ իր պաշտպանյալը չի պահանջում նյութական վնասի փոխհատուցում, բայց գտնում են, որ հիմք ունեն պահանջելու սնանկության գործով կառավարիչ Անդրանիկ Ելինյանին պատասխանատվության ենթարկելու համար և ակնրկալում են Կարգապահական հանձնաժողովից արդարամիտ արձագանք սույն բողոքին:

Հանձնաժողովի նախագահ՝ Հ. Եղյանը դիմելով հանձնաժողովի անդամներին խնդրեց բողոքաբերի ներկայացուցչին, դիմումի վերաբերյալ և սնանկության գործով կառավարչին, խնդրո առարկա գործի վերաբերյալ, հարցերի առկայության դեպքում, հարցերը ուղղել հասցեյատերերին և դա կատարել հերթականությամբ:

Հանձնաժողովի անդամ Ս. Հարությունյանը ձայն խնդրեց և հարց ուղեց բողոքաբերի ներկայացուցչին՝ առ այն, որ բեղոքում գրված է.

-Անդրանիկ Ելինյանը քաջատեղյակ լինելով գործարքի փաստական և իրավական նյութերին, կոպտորեն խախտելով «Սնանկության մասին» ՀՀ օրենքի 54-րդ հոդվածի պահանջները ... ՀԱՐՑ՝ Մասնավորապես «Սնանկության մասին» ՀՀ օրենքի 54-րդ հոդվածի որ պահանջներն են խախտվել հայցադիմումում:

Բողոքաբերի ներկայացուցիչ՝ փաստաբան Միքայել Յուրիի Ավետիսյանը պատասխանեց, որ բեղոքում պարզ նշված է թե որ պահանջն է խախտվել, մասնավորապես խախտվել է հայցապահանջի ներկայացման ժամկետները և ընդհանրապես ներկայացրած հայցադիմումը իրավանորմի շրջանակներից դուրս է:

Հանձնաժողովի անդամ Ս. Հարությունյանը հարց ուղեց սնանկության գործով կառավարիչ Անդրանիկ Ելինյանին.

ՀԱՐՑ՝ Ներկայացված հայցադիմումի հայցապահանջը, որ իրավանորմերով է հիմնավորված և ինչ դրդապատճառներ են հանդիսացել տվյալ հայցապահանջի ներկայացման համար:

Սնանկության գործով կառավարիչ Անդրանիկ Ելինյանը պատասխանեց, որ դրդապատճառները տարբեր են, որոնք առաջանում են հիմնականում սնանկության վարույթի ընթացքում օրենքով սահմանված կառավարչի գործառնությունները կատարելու ընթացքում կատարվող փաստաթղթերի ուսումնասիրություններից, պարտապանի և այլ պարտատերերի հետ կատարվող աշխատանքների արդյունքում և պետք է նաև նշել որ սնանկության վարույթը դա մույպես դատական վարույթ է, իսկ դատական վարույթը վարում է դատավորը, որին էլ հաշվետվությունների կարգով ներկայացվում է սնանկության գործի ընթացիկ հարցերը և բնական է քննարկվող հարցերի շուրջ ստացվում են որոշակի իրավական կարծիքներ, որոնք էլ ամբողջական կարգով ազդում են սնանկության վարույթի ընթացքում այս կամ այն հայեցողական որոշումներ կայացնելու վրա:

Ինչ վերաբերում է սույն հայցապահանջին, ապա այն հիմնավորված է կառավարչի լիազորություններով և Զաղաքացիական օրենսգրքի մի շարք հոդվածներով, իսկ «Սնանկության մասին» ՀՀ օրենքի 54-րդ հոդվածով, հիմքեր բերված չեն:

Հանձնաժողովի անդամները քննարկեցին բողոքը, ճշտումների կարգով տարբեր հարցեր պարզաբանեցին, սնանկության գործով կառավարիչ Անդրանիկ Ելինյանի և բողոքաբերի ներկայացուչի հետ, որից հետո ելույթի համար ձայն վերցրեց հանձնաժողովի նախագահ՝ Հ. Եղյանը և մասնավորապես նշեց, որ.

- Սնանկության վարույթը դա մի ուրույն դատական վարույթ է, որտեղ իրավահարաբերությունները հավասարակշռված են պարտատերերի և պարտապանի տարբեր իրավունքներով և պարտականություններով, որոնց մի մասի իրականացումը դրաված է կողմերի իսկ մի մասն էլ լիազորությունների տեսքով դրված է սնանկության գործով կառավարչի վրա, որի իրականացումը կառավարիչը շատ դեբերում պետք է կատարի ինքնուրույն, բայց քանի որ ինչպես նշվեց, որ սնանկության վարույթը դա դատական վարույթ է և կա գործը վարող դատավոր, ուստի իրավական բնույթ կրող հարցերի վերաբերյալ իրականության մեջ, հաշվետվությունների տեսքով խորհրդակցվում է դատավորի հետ, որը օգնում է կառավարչին իր լիազորությունների իրականացման մեջ:

Տվյալ դեպքում իր կարծիքով սնանկության գործով կառավարիչը գործի փաստական հանգամանքների ամբողջական ուսումնասիրություն կատարելով հաշվի չի առել, դատական պաշտպանության վաղեմության ժամկետի անցնելու հանգամանքը, որը և պատճառ է հանդիսացել ԵԿԴ 4414/02/2014 քաղ. գործով պահանջը մերժելու համար: Պետք է նշել նաև այն հանգամանքը, որ դատարանը վերոգրյալ քաղ. գործով չի անդրադարձել հայցապահանջի հիմքերի և չի քննել դրանք, ուստի այս հանձնաժողովի նիստի իրավասությունն չէ քննարկելու այդ հիմքերի հիմնավորվածությունը և կատարել եզրակացություններ:

Բայց մի բան ակհայտ է՝ համաձայն «Սնանկության գործով կառավարիչների մասնագիտական վարքագծի էթիկայի» Կանոնների 3-րդ հոդվածի.

- Իր մասնագիտական գործունեությունը իրականացնելիս կառավարիչը պարտավոր է՝ ղեկավարվել ՀՀ օրենսդրությամբ, Ինքնակարգավորվող կազմակերպության և սույն կանոններով սահմանված նորմերի պահանջներին, լինել սկզբունքային և օրինապահ, հարգել իր վարույթում գտնվող գործերի բոլոր մասնակիցների օրինական շահերը, պատիվը, արժանապատվությունը և գործարար համբավը:

7-րդ հոդվածի 2-րդ կետ.

- Կառավարիչը պարտավոր է սնանկության ընթացակարգերում զգուշավորություն հանդես բերել, թույլ չտալ գործողությունների կոնկրետ տեսակների համար ընդունելի ռիսկի աստիճանի գերազանցում:

ըր այս էթիկայի կանոնների համդրությամբ և վերլուծությամբ, սնանկության գործով կառավարիչ Անդրանիկ Ելինյանի գործողություններում առկա են եղել ռիսկեր մյուս կողմի գործարար համբավին որոշակի վնաս պատճառելու, չնայած կողմը չի պնդում վնասի փոխհատուցման հարցը: Պետք է նշել նաև, որ շատ դեպքերում գործի փաստական ռիսկերի գնահատման ընթացքի վրա ազդում են նաև պարտատերերի իրավունքների և պահանջների բավարարման խնդիրները, որոնք շատ դեպքերում ուղղակի ստիպում են սնանկության գործով կառավարչին կատարել նաև այնպիսի գործողություններ, որոնք իրենց մեջ պարունակում են նաև ռիսկեր այլ կողմերին, որոշակի անհարմարություններ պատճառելու հարցում:

ՔՎԱՐԿՈՒԹՅՈՒՆ՝

Կադմ – 4

Դեմ – 0

Ձեռնպահ - 0

ՈՐՈՇԵՑԻՆ՝

1. «Սնանկության գործով կառավարիչների մասնագիտական վարքագծի էթիկայի» Կանոնների 3-րդ հոդվածի և 7-րդ հոդվածի 2-րդ կետի հիմքով «Կարգապահական վարույթի անցկացման Կարգի» 4.2 հոդվածի կարգով՝ Սնանկության գործով կառավարիչ Անդրանիկ Ելինյանին հայտարարել նկատողություն:

2.Սույն Որոշումը ներկայացնել «ՍԳԿԿ»ԻԿԿ համապատասխան կառավարման մարմնի հաստատմանը:

3.Եռօրյա ժամկետում սույն որոշման օրինակը ուղարկել կողմերին:

Հանձնաժողովի Նախագահ՝ Հ.Եղյան

Հանձնաժողովի անդամ՝ Հ.Մարտիկյան

Հանձնաժողովի անդամ՝ Տ.Հարությունյան

Հանձնաժողովի անդամ՝ Ա. Խաչատրյան

